

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
ZAVOD ZDRAVSTVENOG OSIGURANJA
KANTONA SARAJEVO
Ložionička br.2, Sarajevo



2455 OGRANIČENO
БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
КАНТОН САРАЈЕВО
ЗАВОД ЗДРАВСТВЕНОГ ОСИГУРАЊА
КАНТОНА САРАЈЕВО

Ložionička br.2, Sarajevo

Broj: 01-33-9900-2/26

Sarajevo, 15-06-2026

Bosna i Hercegovina
Federacija Bosne i Hercegovine
Skupština Kantona Sarajevo
Reisa Džemaludina Čauševića 1
71000 Sarajevo

n/r Elvedin Okerić, Predsjedavajući Skupštine Kantona Sarajevo

Federacija Bosne i Hercegovine
KANTON SARAJEVO

PRIMLJENO:	15-06-2026
Organizaciona jedinica	01
KANTON	04
Broj	24273-2126 219

Kanton Sarajevo

Ministarstvo zdravstva

Reisa Džemaludina Čauševića 1

71000 Sarajevo

n/r Mr.med.sci.dr Enis Hasanović, ministar

Predmet: Odgovor na zastupničku inicijativu (veza akt 01-04-24273-2126 od 05.05.2026. godine), dostavlja se

Poštovani,

Zavod zdravstvenog osiguranja Kantona Sarajevo zaprimio je zastupničku inicijativu zastupnice Sebiye Izetbegović, koja se odnosi na povećanje subvencija/učešća za ortopedska pomagala za civilne žrtve rata u Kantonu Sarajevo, uključujući prijedlog preispitivanja visine učešća, rokova korištenja i usklađivanja sa realnim tržišnim cijenama.

Zavod u potpunosti razumije značaj predmetne inicijative, kao i potrebu da se civilnim žrtvama rata, kao posebno osjetljivoj kategoriji stanovništva, obezbijedi kvalitetnija i dostupnija podrška u ostvarivanju prava na ortopedska i druga medicinska sredstva. Istovremeno, neophodno je ukazati na važeći pravni okvir u kojem Zavod postupa, posebno imajući u vidu da se prava iz obaveznog zdravstvenog osiguranja ostvaruju pod jednakim uslovima za sva osigurana lica.

Prava osiguranih lica Kantona Sarajevo na medicinska sredstva ostvaruju se u skladu sa Uredbom o obimu, uslovima i načinu ostvarivanja prava osiguranih lica Kantona Sarajevo na medicinska sredstva, donesenom od strane Vlade Kantona Sarajevo, na teret sredstava obaveznog zdravstvenog osiguranja. Navedena prava ostvaruju se na osnovu medicinskih indikacija, godina života, rokova korištenja, propisane medicinske dokumentacije i Liste medicinskih sredstava, koja čini sastavni dio Uredbe.

U tom smislu, Zavod, kao nosilac obaveznog zdravstvenog osiguranja, obavezan je prava iz obaveznog zdravstvenog osiguranja obezbjeđivati pod jednakim uslovima za sva osigurana lica. Dakle, pravo na ortopedsko ili drugo medicinsko sredstvo u osnovnom režimu obaveznog zdravstvenog osiguranja ne može se vezati isključivo za statusnu kategoriju korisnika, nego za medicinsku indikaciju, uslove i postupak propisan važećom Uredbom.

Kada je riječ o eventualnom utvrđivanju većeg obima prava za civilne žrtve rata, Zavod smatra da se takvo pitanje može razmatrati kao posebno, odnosno dopunsko pravo za određenu kategoriju korisnika, uz donošenje odgovarajućeg pravnog akta i obezbjeđenje posebnog izvora finansiranja. U tom kontekstu ukazujemo i na član 29. Uredbe, prema kojem za pojedine kategorije osiguranih lica kojima je posebnim propisima utvrđen veći nivo prava od prava utvrđenih Uredbom, razliku sredstava za finansiranje dodatnih prava obezbjeđuje nadležni organ koji je utvrdio veći nivo prava.

Takav model već postoji kod ratnih vojnih invalida sa područja Kantona Sarajevo, za koje je Skupština Kantona Sarajevo posebnim aktom utvrdila prošireni obim prava za korištenje ortopedskih pomagala, lijekova, medicinsko-sanitetskih sprava i materijala. Shodno tome, ukoliko se ocijeni opravdanim da se sličan model uspostavi i za civilne žrtve rata, potrebno je da nadležni organi razmotre donošenje posebnog propisa kojim bi se jasno definisali kategorija korisnika, obim dodatnih prava, način ostvarivanja prava, postupak kontrole, kao i izvor finansiranja razlike iznad prava koja se već ostvaruju na teret sredstava obaveznog zdravstvenog osiguranja.

Adresa: Ložionička br. 2, 71 000 Sarajevo



ID broj: 4200178560003, PDV broj: 200178560003, Broj upisa u sudski registar: 65-05-0051-12,
Depozitni račun broj: 154-921-2014617245, Glavni transakcijski račun broj: 154-921-20146171-48,

Transakcijski račun broj: 132-020-20293671-18

Transakcijski račun broj: 306-000-32712158-45

Tel. +387 33 72 52 00, +387 33 72 52 07, Fax +387 33 61 86 14

e- mail: info@kzzosa.ba kabinet@kzzosa.ba



U dijelu inicijative koji se odnosi na povećanje visine učešća Zavoda i usklađivanje sa tržišnim cijenama, napominjemo da važeća Uredba već predviđa mogućnost utvrđivanja učešća Zavoda u nabavci medicinskih sredstava na osnovu postojeće cijene medicinskog sredstva, promjena cijena na tržištu, uporednih cijena u okruženju i raspoloživih sredstava Zavoda. Zavod kontinuirano prati realizaciju prava na medicinska sredstva, te je pokrenuo aktivnosti ispitivanja tržišta i prikupljanja podataka o aktuelnim cijenama medicinskih sredstava, s ciljem stručnog sagledavanja opravdanosti eventualnih korekcija učešća Zavoda, u skladu sa važećim propisima i finansijskim mogućnostima.

S tim u vezi, eventualno povećanje učešća Zavoda u cijeni ortopedskih i drugih medicinskih sredstava može se razmatrati u okviru systemske analize koja obuhvata sva osigurana lica Kantona Sarajevo koja pravo ostvaruju po osnovu medicinske indikacije i pod uslovima propisanim Uredbom. Takvo pitanje zahtijeva prethodnu analizu tržišnih cijena, broja korisnika, vrsta medicinskih sredstava, dosadašnje realizacije prava, kao i procjenu ukupnog finansijskog uticaja na Finansijski plan Zavoda.

Također, dio inicijative koji se odnosi na skraćivanje rokova korištenja ortopedskih pomagala potrebno je posmatrati u okviru važeće Liste medicinskih sredstava i stručnih medicinskih kriterija, pri čemu bi eventualne izmjene rokova morale biti zasnovane na procjeni funkcionalnosti pojedinih pomagala, njihovog realnog vijeka trajanja, kvaliteta materijala, medicinskih indikacija i finansijskih efekata. Zavod navedeno pitanje može razmatrati systemski, za sva osigurana lica koja ostvaruju pravo na određeno medicinsko sredstvo, dok se posebno skraćivanje rokova isključivo za jednu statusnu kategoriju korisnika ne može realizovati kroz osnovni režim obaveznog zdravstvenog osiguranja bez posebnog pravnog osnova i obezbijeđenih dodatnih sredstava.

Napominjemo da važeća Uredba već predviđa mogućnost razmatranja pojedinačnih slučajeva kod specifičnih medicinskih indikacija, kao i potrebu za većom količinom određenog medicinskog sredstva, kroz postupanje nadležne Komisije Zavoda, u skladu sa propisanim uslovima i dostavljenom medicinskom dokumentacijom.

Zaključno, Zavod podržava cilj inicijative koji se odnosi na unapređenje dostupnosti i kvaliteta ortopedskih pomagala za civilne žrtve rata. Međutim, imajući u vidu važeći pravni okvir, eventualno utvrđivanje većeg obima prava za ovu kategoriju ne može biti realizovano jednostranim aktom Zavoda kroz osnovni režim obaveznog zdravstvenog osiguranja, već zahtijeva donošenje odgovarajućeg posebnog propisa, definisanje nadležnog nosioca prava i obezbjeđenje dodatnih sredstava za finansiranje razlike u odnosu na prava koja se već ostvaruju po važećoj Uredbi.

Zavod ostaje na raspolaganju za učešće u svim stručnim, finansijskim i normativnim aktivnostima koje budu pokrenute od strane nadležnih institucija u cilju razmatranja i eventualne realizacije predmetne inicijative.

S poštovanjem,

Po ovlaštenju Direktora
 Rukovodilac poslova

Dženan Tikveša, dipl. iur.



Dostaviti:

- Naslovu,
- Služba za kvalitet i nadzor (putem DMS-a),
- Služba za zajedničke poslove i podršku poslovanju (putem DMS-a),
- Služba pravnih poslova (putem DMS-a),
- Sektor za medicinske i farmaceutske poslove (putem DMS-a),
- a/a.